




**ACORDO DE COLABORACIÓN ENTRE A CONSELLERÍA DE MEDIO RURAL, A TRAVÉS DA DIRECCIÓN XERAL DE DEFENSA DO MONTE, E A AXENCIA PARA A MODERNIZACION TECNOLÓXICA DE GALICIA PARA O FINANCIAMENTO E SUSTENTABILIDADE DE SISTEMAS DE INFORMACIÓN DE XESTIÓN DE INCENDIOS**

En Santiago de Compostela, 03 XAN. 2020

**REUNIDOS**

Dunha parte, D. José González Vázquez, Conselleiro do Medio Rural segundo o Decreto 99/2018, (DOG núm. 185) polo que se dispón o seu nomeamento, actuando en nome e representación da Consellería do Medio Rural da Xunta de Galicia, en virtude das atribucións que lle confire o artigo 34.1 da Lei 1/1983, do 22 de febreiro, de normas reguladoras da Xunta e da súa presidencia.



Doutra parte, Mar Pereira Álvarez, directora da Axencia para a Modernización Tecnolóxica de Galicia (en diante Amtega), actuando en nome e representación da dita Axencia, en virtude das facultades conferidas polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos e o Decreto 91/2012, do 16 de marzo, polo que se nomea directora da Axencia para a Modernización Tecnolóxica de Galicia.


As partes recoñécense capacidade e representación suficientes para formalizar o presente acordo de colaboración, e na súa virtude



## EXPOÑEN

**Primeiro.-** Que, segundo o artigo 6 do Estatuto da Axencia para a Modernización Tecnolóxica de Galicia aprobado polo Decreto 252/2011, do 15 de decembro, a Amtega ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da sociedade da información en Galicia, garantindo os dereitos dos cidadáns e eliminando as barreiras que se opoñan á expansión e ao uso das novas tecnoloxías.

Así mesmo, de acordo co artigo 5 do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, queda desconcentrada na persoa titular da dirección da Amtega a competencia para subscribir con entidades públicas e privadas, en nome da Amtega, convenios de colaboración excluídos da lexislación de contratos do sector público.



**Segundo.-** Que o DECRETO 149/2018, de 5 de decembro polo que se establece a estrutura orgánica da Consellería del Medio Rural e se modifica parcialmente o Decreto 177/2016, de 15 de decembro, polo que se fixa a estrutura orgánica da Vicepresidencia e das consellerías de la Xunta de Galicia, establece a estrutura da Consellería de Medio Rural, establecendo como un dos seus órganos superiores a Dirección Xeral de Defensa do Monte, á que lle corresponde o exercicio das competencias inherentes ás medidas de prevención e defensa contra os incendios forestais e a vixilancia de incumprimento.

Entre as funcións e competencias, establécense as de coordinar ás administracións públicas con competencias en materia de prevención de incendios, garantindo o cumprimento das respectivas obrigas legais, prestar colaboración e asesoramento estable aos concellos para o cumprimento das súas obrigas e homoxenizar os procedementos e actuacións por eles desenvolvidos, asegurar o cumprimento das medidas de prevención contra os incendios forestais recollidas na lexislación vixente e





tramitar os expedientes sancionadores derivados deses incumprimentos, planificar as medidas de prevención de incendios e o seu desenvolvemento - impulsando a realización das tarefas encomendadas ás administracións competentes - , dirixir os equipos de vixilancia, desenvolver o Plan de Prevención e defensa contra incendios forestais dentro de cada Plan de Ordenación dos recursos forestais de distrito, impulsar, comprobar e esixir a elaboración dos plans municipais de prevención e defensa contra os incendios forestais e manter o orientación aos concellos de ámbito rural a fin de que leven a cabo tarefas de silvicultura, limpeza dos montes e outras tarefas de valorización forestal dentro das medidas de prevención dos incendios forestais.

Para o exercicio das súas competencias, a devandita Dirección Xeral conta con dúas subdireccións xerais, sendo a Subdirección Xeral de Extinción a que exerce as funcións encamiñadas á defensa dos montes contra os incendios forestais, así como a coordinación de medios na loita contra os incendios, estruturándose para o seu cumprimento nos Servizos de Programación (que se ocupa da adquisición e da renovación de vehículos; o despregue aéreo; o despregue de maquinaria pesada; a rede de puntos de auga; a rede de vixilancia (postos e cámaras); a rede de comunicacións; a rede de puntos de encontro; a rede de bases aéreas e o rexistro de superficies queimadas) e Servizo de Coordinación de Medios (que se ocupa do relativo aos gastos de extinción; centros de coordinación; os equipos de protección individual; as brigadas propias; a operativa das brigadas municipais; o Centro de Atención a Usuarios (CAU) de Incendios; a operativa de flota de camións de extinción propios; a operativa da flota de camións municipais; grupos de emerxencia supramunicipal (GES); a coordinación da seguridade e saúde e a colaboración na formación do persoal.

Para o correcto desenvolvemento das competencias encamiñadas á defensa dos montes contra os incendios forestais, así como a coordinación de medios na loita contra os incendios, cómpre o desenvolvemento evolutivo e soporte de diversos sistemas de información.




**Terceiro.-** A Lei 14/2013, do 26 de decembro, de racionalización do sector público autonómico, establece no seu artigo 14 que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais mediante o desempeño conxunto de tarefas de interese público da súa competencia.

A colaboración ou cooperación consistirá na participación conxunta e efectiva no desenvolvemento da actividade común, mediante achegas de traballos de organización, medios persoais e materiais ou recursos financeiros para a finalidade compartida, de acordo coas respectivas competencias, e será sempre diferente das estruturas contractuais onerosas reguladas na lexislación de contratos do sector público.

Por outra banda, o Consello da Xunta, na súa xuntanza do 1 de agosto de 2014, acordou aprobar “as instrucións para o establecemento dun modelo de sustentabilidade para a dixitalización dos servizos públicos”.

Tendo en conta o anterior e seguindo o modelo de sustentabilidade para a dixitalización dos servizos públicos, a Consellería de Medio Rural e a Amtega manifestan a súa vontade de colaboración e con tal finalidade acordan a sinatura deste acordo con suxeición ás seguintes



## CLÁUSULAS

### **Primeira.- Obxecto**

O obxecto deste acordo é establecer as pautas que se seguirán na colaboración entre a Consellería de Medio Rural, a través da Dirección Xeral de Defensa do Monte, e a Amtega para o desenvolvemento evolutivo e soporte de diversos sistemas de información que permitan o apoio no desenvolvemento das competencias encamiñadas á defensa dos montes contra os incendios forestais, así como a coordinación de medios na loita contra os incendios.

## Segunda.- Financiamento

O importe da achega da Consellería de Medio Rural, a través da Dirección Xeral de Defensa do Monte, para a execución do proxecto mencionado na cláusula primeira ascenderá a un máximo de 600.000 euros (SEISCENTOS MIL EUROS), IVE incluído, coa seguinte distribución por anualidades:

- Anualidade 2020: 300.000 €
- Anualidade 2021: 300.000 €

Serán obxecto de retención de crédito segundo a distribución por anualidades que se indica, para a súa posterior baixa, na seguinte aplicación orzamentaria do seu orzamento: 14.02.551B.640.1, proxecto 2007 00480.

Aplicación orzamentaria e código de proxecto	Ano 2020	Ano 2021	Total (IVE incluído)
14.02.551B.640.1 código de proxecto 2007 00480	300.000€	300.000€	600.000€
TOTAL	300.000€	300.000€	600.000€

Posteriormente á formalización do presente acordo, remitirase á Dirección Xeral de Planificación e Orzamentos este acordo xunto coa documentación pertinente, para que se leve a cabo a modificación orzamentaria correspondente na aplicación 04.10.571A.732.00 da Secretaría Xeral da Presidencia, con correlativa ampliación de crédito na aplicación 04.A1.571A.626.0, código de proxecto 2014-00005, dos orzamentos da Amtega para as anualidades 2020 e 2021.

## Terceira.- Actuacións a desenvolver

Ao abeiro do presente acordo, a Axencia para a Modernización Tecnolóxica de Galicia, levará a cabo o desenvolvemento e mantemento evolutivo dos sistemas de información e servizos indicados a continuación, de acordo coa priorización establecida pola Dirección Xeral de Defensa do Monte e dentro dos límites orzamentarios deste acordo:



1.Desenvolvemento e/ou mantemento evolutivo da plataforma de xestión de incendios forestais de Galicia (proxecto XEINFO: Xestión de Incendios Forestais), incorporando novas funcionalidades e tecnoloxías na mesma

2.Centro de Atención a Usuarios de Incendios (CAU\_Incendios): soporte aos usuarios relacionados co dispositivo de prevención e defensa contra incendios forestais, con especial relevancia ao apoio na configuración, operación e mantemento asociada ao uso neste dispositivo da rede dixital de emerxencias de Galicia (RESGAL), en coordinación coa empresa pública autonómica Redes de Telecomunicación Galegas (RETEGAL).

Amtega, como órgano de dirección e contratación, desenvolverá a tramitación administrativa e a adxudicación do contrato ou contratos que teñan lugar para a realización do obxecto anteriormente definido, de ser o caso. Para isto, iniciará e aprobará os correspondentes expedientes de contratación. Asemade, correspóndelle o seguimento e a dirección das actuacións obxecto do contrato

Asemade desenvolverase calquera outra actuación que, sendo complementaria das anteriores, acorden a Consellería de Medio Rural, a través da Dirección Xeral de Defensa do Monte, e a Amtega, sempre que o seu custo estimado non supere o importe da achega máxima da Consellería de Medio Rural recollido na cláusula segunda. No caso de actuacións que non sexan complementarias das incluídas nesta cláusula, será suficiente unha addenda a este acordo que engada ditas actuacións á presente cláusula.

A titularidade do produto ou resultado obtido coa execución das actividades obxecto do presente acordo, será da Amtega.

#### **Cuarta.- Comisión de Seguimento**

Créase unha Comisión mixta de seguimento para atender ao adecuado desenvolvemento do acordo de colaboración, que terá entre as súas funcións:

•Determinar se fóra necesario, o obxecto e importe dedicado a cada unha das actuacións a executar con cargo ao presente acordo, sempre con suxeición ao obxecto e financiamento máximo establecido no mesmo.



- Efectuar o seguimento no avance de cada unha das actuacións.
- Resolver as posibles dúbidas que poidan xurdir na interpretación e cumprimento das cláusulas deste acordo.

Esta comisión mixta de seguimento estará formada:

→ Por parte da Consellería do Medio Rural:

- Subdirector/a Xeral de Extinción
- Xefe/a do Servizo de Programación

→ Por parte da Axencia para a Modernización Tecnolóxica de Galicia:

- Director/a da Área de Solucións Tecnolóxicas Sectoriais
- Xerente de Proxectos de Medio Rural e Montes

A representación nesta Comisión de Seguimento dos anteriores representantes poderá ser delegada de xeito expreso.

#### **Quinta.- Previsións de desenvolvemento**

Sen prexuízo do previsto na cláusula terceira, a colaboración derivada deste acordo poderá ser obxecto do desenvolvemento ulterior e concreción que sexa preciso, a través dos instrumentos ou das actuacións que se estimen necesarias para a súa consecución, de conformidade coa normativa vixente.

#### **Sexta.- Vixencia**

Este acordo producirá os seus efectos a partir da data da súa sinatura e a súa vixencia estenderase ata o momento que cese o desenvolvemento nel previsto, e como data límite o 31 de decembro de 2021.

En todo caso, este acordo de colaboración quedará condicionado á tramitación e autorización da modificación de crédito indicada na súa cláusula segunda.

#### **Sétima.- Réxime xurídico e resolución de conflitos**

Este acordo de colaboración ten natureza administrativa e, para a resolución das discrepancias que se poidan producir, será de aplicación o artigo 13 da Lei 16/2010, de 18 de decembro, de organización e funcionamento da Administración xeral e do sector público autonómico de Galicia.

#### **Oitava. Transparencia e bo goberno**


Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no acordo e mais no resto das especificacións contidas no mesmo poidan ser publicadas no Portal de Transparencia de Goberno Aberto.

E en proba de conformidade co exposto, asinan este acordo por duplicado exemplar no lugar e data sinalados.

O conselleiro do Medio Rural

  
José González Vázquez

A directora da Axencia para a  
Modernización Tecnolóxica de Galicia

  
Mar Perreira Álvarez